

Na osnovu člana 171. Zakona o vodama ("Službene novine Federacije BiH", broj 70/06), na zajednički prijedlog Federalnog ministarstva poljoprivrede, vodoprivrede i šumarstvo i Federalnog ministarstva okoliša i turizma i uz prethodnu saglasnost Federalnog ministarstva finansija-Federalnog ministarstva financija, Vlada Federacije Bosne i Hercegovine na \_\_\_\_\_ sjednici održanoj \_\_\_\_\_2023. godine, donosi

## **O D L U K U**

### **O IZMJENI ODLUKE O VISINI POSEBNIH VODNIH NAKNADA**

#### **I.**

U Odluci o visini posebnih vodnih naknada („Službene novine Federacije BiH“, br. 46/07, 10/14 i 03/16) u tački III. broj: „0,001“ mijenja se u broj: „0,002“.

#### **II.**

Ova Odluka stupa na snagu narednog dana od dana objave u „Službenim novinama Federacije BiH“, a primjenjivat će se od 1. januara 2024. godine.

V. broj: \_\_\_\_\_/2023

Sarajevo, 2023. godine

**P R E M I J E R**

**Nermin Nikšić**

## **OBRAZLOŽENJE ODLUKE O IZMJENI ODLUKE O VISINI POSEBNIH VODNIH NAKNADA**

### **I. PRAVNI OSNOV**

Pravni osnov za donošenje Odluke o izmjeni Odluke o visini posebnih vodnih naknada sadržan je u članu 171. Zakona o vodama ("Službene novine Federacije BiH", broj 70/06) kojim je utvrđeno da visinu posebnih vodnih naknada iz člana 170. ovog Zakona propisuje Vlada Federacije, na zajednički prijedlog federalnog ministra poljoprivrede, vodoprivrede i šumarstva i federalnog ministra nadležnog za okoliš, uz prethodnu saglasnost federalnog ministarstva nadležnog za finansije.

### **II. RAZLOZI DONOŠENJA**

Razlozi za donošenje Odluke o Izmjeni Odluke o visini posebnih vodnih naknada su:

- sve učestalije pojave vanrednih stanja izazvanih poplavama prouzrokovanim prekomjernim padavinama, tako da mjere zaštite od štetnog djelovanja voda postaju sve nužnije i svojim obimom sve veće.
- za održavanje obala i vodotoka zahtjevaju se sve veća materijalna sredstva jer je došlo do enormnog povećanja cijene rada, građevinskih materijala, goriva i dr. koji su nepohodni za realizaciju navedenih poslova, koje provode Agencije za vodna područja na vodotocima I kategorije, odnosno kantonalna ministarstva na vodotocima II kategorije,
- porast „Prosječne prodajne cijene (PPC)“ električne energije u KM/MWh, za period novembar 2015. godine do septembra 2023. godine je povećana cca tri puta više prema zvaničnim podacima Regulatorne komisije za energiju u Federaciji BiH, koja je u novembru 2015. godine iznosila 82,50 KM/KWh, dok u septembru 2023. godine iznosi 269,85 KM/MWh .

Uzimajući u obzir da su obaveze pravnih lica – proizvođača energije koji su korisnici voda ograničena na održavanje hidroenergetskih objekata, ali ne i na održavanje vodotoka i sanaciju obala, neophodno je usklađivanje sa tržišnim uslovima.

Shodno naprijed navedenom ovom Odlukom se povećava visina posebne vodne naknade za korištenje vode za proizvodnju električne energije dobijene korištenjem hidroenergije.

### **III. OBRAZLOŽENJE PRAVNIH RJEŠENJA**

U tački I. Odluke dosadašnji iznos posebne vodne naknade za korištenje vode za proizvodnju električne energije dobijene korištenjem hidroenergije od 0,001KM/KWh zamjenjen je sa iznosom 0,002 KM/KWh.

### **IV. FINANSIJSKA SREDSTVA**

Za realizaciju ove Odluke nije potrebno izdvajanje finansijskih sredstava iz Budžeta Federacije BiH.

NAČRT